

საჯარო სამართლის იურიდიული პირი – საჯარო რეესტრის ეროვნული სააგენტო

სატენდერო დოკუმენტაცია
ვიდეომეთვალყურეობის სისტემების შესყიდვა
გამარტივებული ელექტრონული ტენდერი

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის და სახელმწიფო შესყიდვების სააგენტოს თავმჯდომარის 2011 წლის 7 მაისის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

ქ. თბილისი
ივლისი 2013 წელი

სატენდერო დოკუმენტაცია

სარჩევი

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად -----	3-4
2. შესყიდვის ობიექტის დასახელება, ტექნიკური დავალება, მიწოდების ვადა და ადგილი, სატენდერო წინადადების ფასის გაანგარიშება, ანგარიშსწორების პირობები ----	4-5
3. პრეტენდენტის მიერ წარმოსადგენი ტექნიკური დოკუმენტაცია -----	5-6
დანართი №1- ფასთა ცხრილის ფორმა -----	7-9
დანართი №2 სახელმწიფო შესყიდვის შესახებ ხელშეკრულების პროექტი -----	10-14
დანართი №3- აფიდავიტი (საილუსტრაციო ფორმა) -----	15

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად

გამარტივებული ელექტრონული შესყიდვა, როგორც თქვენთვის ცნობილია, ტარდება სახელმწიფო შესყიდვების ერთიანი ელექტრონული სისტემის (შემდგომში – სისტემა) მეშვეობით.

გამარტივებული ელექტრონული ტენდერის გამოცხადებისთანავე, თქვენ გეძლევათ საშუალება გაეცნოთ სატენდერო განცხადებას და სატენდერო დოკუმენტაციას. სატენდერო წინადადების მიღება იწყება წინადადების მიღების კადის დასრულებამდე 2 დღით ადრე.

სატენდერო წინადადების წარდგენისათვის: პირველ რიგში, პრეტენდენტი უნდა დარეგისტრირდეს სისტემაში. შემდეგ, იგი ვალდებულია გაეცნოს აფიდავიტს და დაეთანხმოს მას (გაცნობას და თანხმობას ადასტურებს სისტემის მეშვეობით).

ამის შემდეგ, იგი ვალდებულია ჯერ წარმოადგინოს სატენდერო წინადადების უზრუნველყოფის გარანტია, ხოლო შემდეგ გადაიხადოს ტენდერში მონაწილეობის საფასური. აღნიშნული მოქმედებები განხორციელდება ელექტრონულად, სისტემის მეშვეობით. როგორც სატენდერო წინადადების უზრუნველყოფის გარანტიის, ასევე საფასურის მიმღები არის სახელმწიფო შესყიდვების სააგენტო. თუ სისტემის ავტომატური საშუალებები ტენიკურად არ არის გამართული პრეტენდენტი სატენდერო წინადადების უზრუნველყოფის გარანტიის დედანს და საფასურის გადახდის დამადასტურებელ დოკუმენტს წარუდგენს შემსყიდველ ორგანიზაციას.

სატენდერო წინადადების უზრუნველყოფის გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1 პროცენტის ოდენობით. ტენდერში მონაწილეობის საფასური შეადგენს 50 ლარს.

სატენდერო წინადადების უზრუნველყოფის გარანტია არ ექვემდებარება დაბრუნებას შემდეგ შემთხვევებში:

ა) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე,

ბ) თუ პრეტენდენტი შეყვანილია მიმწოდებელთა შავ სიაში შესაბამისი შესყიდვის განხორციელების შედეგად

გ) პრეტენდენტი იქნა დისკვალიფიცირებული შემდეგი მიზეზების გამო: წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო დოკუმენტაციით გათვალისწინებულ მოთხოვნებს, წარმოდგენილი საკვალიფიკაციო მონაცემების დამადასტურებელი დოკუმენტები წარმოდგენილია დადგენილი წესების დარღვევით, პრეტენდენტმა უარი განაცხადა ხელშეკრულების დადებაზე, ხელშეკრულების დადების უფლების მოსაპოვებლად პრეტენდენტმა ჩაიდინა არაკეთილსინდისიერი ქმედება.

მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

სატენდერო წინადადების წარდგენა გულისხმობს პრეტენდენტის ტექნიკური დოკუმენტაციას ატვირთვას და სატენდერო წინადადების ფასის ელექტრონულად მიეთითებას სისტემაში. პრეტენდენტის ტექნიკურ დოკუმენტაციაში აუცილებლად უნდა შედიოდეს ის დოკუმენტები და იმ ფორმით როგორც არის მოთხოვნილი სატენდერო დოკუმენტაციით პრეტენდენტის ტექნიკური დოკუმენტაციისთვის, ასევე შეიძლება შედიოდეს ნებისმიერი დოკუმენტი რომელსაც პრეტენდენტი ჩათვლის საჭიროდ.

პრეტენდენტი პირველ რიგში ატვირთავს ტექნიკურ დოკუმენტაციას, რაც შესაძლებლობას მისცემს მას ელექტრონულად მიუთითოს ფასი სისტემაში.

სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით სამ რაუნდად.

ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებით და შემსყიდველის მიერ განსაზღვრულ ბიჯზე არანაკლები ოდენობით.

დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს მონაწილეობა არ მიიღოს მათში. ძალაში რჩება მის მიერ დამატებითი რაუნდების დაწყებამდე დაფიქსირებული საბოლოო ფასი.

დამატებით რაუნდებში მონაწილეობის მიღების უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში, პრეტენდენტები მათ მიერ ძირითად დროში წარდგენილ ფასებს ცვლიან რიგ-რიგობით. რიგითობა განისაზღვრება ძირითად დროში პრეტენდენტების მიერ წარდგენილი ფასების კლებადობის მიხედვით. პირველ რაუნდში ბოლო შეთავაზებას აკეთებს ძირითად დროში დაფიქსირებული ყველაზე დაბალი ფასის მქონე პრეტენდენტი. ყოველ მომდევნო რაუნდში ფასების წარდგენის რიგითობა განისაზღვრება წინა რაუნდში დაფიქსირებული ფასების მიხედვით, კლებადობის პრინციპით ანუ ყოველ მომდევნო რაუნდში ბოლო შეთავაზებას აკეთებს ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა.

მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადებების ფასების მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია.

იმ შემთხვევაში თუ პრეტენდენტის ტექნიკური დოკუმენტაცია არ შეესაბამება სატენდერო განცხადებით და სატენდერო დოკუმენტაციით გათვალისწინებულ მოთხოვნებს, შემსყიდველი ორგანიზაცია ახდენს პრეტენდენტის დისკვალიფიკაციას. თუ პრეტენდენტის მიერ წარმოდგენილი ტექნიკური დოკუმენტაცია შეიცავს უზუსტობას ან/და ნაკლოვანია, შემსყიდველი ორგანიზაცია მას უწესებს არაუმეტეს სამ დღიან ვადას დაზუსტებისათვის ან/და ნაკლოვანების აღმოსაფხვრელად მონაცემი/ების წარმოდგენისათვის. დაუშვებელია სატენდერო წინადადების ისეთი დაზუსტება, რომელიც არსებითად ცვლის მას ან გავლენას ახდენს წინადადების ფასზე. ამ შემთხვევაში, ხდება პრეტენდენტის დისკვალიფიკაცია. თუ დაწესებულ ვადაში პრეტენდენტი არ მოახდენს ტექნიკური დოკუმენტაციის დაზუსტებას, შემსყიდველი ორგანიზაცია ახდენს მის დისკვალიფიკაციას.

წინამდებარე სატენდერო დოკუმენტაცია არ ითვალისწინებს საკვალიფიკაციო მონაცემების წარმოდგენის მოთხოვნას.

თუ ყველაზე დაბალი ფასის მქონე პრეტენდენტის მიერ წარმოდგენილი ტექნიკური დოკუმენტაცია შეესაბამება სატენდერო განცხადებითა და სატენდერო დოკუმენტაციით გათვალისწინებულ მოთხოვნებს, აღნიშნული შესაბამისობის დადგენიდან არაუგვიანეს ხუთ სამუშაო დღეში შემსყიდველი ორგანიზაცია დადებს მასთან ხელშეკრულებას.

თუ შემსყიდველი ორგანიზაცია მოახდენს ყველაზე დაბალი ფასის მქონე პრეტენდენტის დისკვალიფიკაციას, ის განიხილავს ყველაზე დაბალი ფასის მქონე მომდევნო პრეტენდენტის მიერ წარმოდგენილ ტექნიკურ დოკუმენტაციას. თუ მის მიერ წარმოდგენილი სატენდერო წინადადების ფასი ბაზარზე შეცვლილი გარემოებების შედეგად მნიშვნელოვნად აღემატება შესყიდვის ობიექტის საბაზრო ფასს, სატენდერო კომისიას უფლება აქვს შეწყვიტოს ტენდერი.

2 ტექნიკური დავალება, მიწოდების ვადები, ადგილი, სატენდერო წინადადების ფასის გაანგარიშება, ანგარიშსწორების პირობები

2.1. შესასყიდი ობიექტის დასახელება, აღწერილობა, რაოდენობა

2.1.1. წინამდებარე სატენდერო დოკუმენტაცია ითვალისწინებს 2 ერთეული, ახალი, ქარხნული წარმოების, ვიდუოსამეთვალყურეო სისტემის კომპლექტის და მათი მონტაჟის მომსახურების

(მიწოდების თანმდევი მომსახურება) შესყიდვას. ერთი ერთეული ვიდეოსამეთვალყურეო სისტემა დამონტაჟდება თბილისის იუსტიციის სახლის შენობაში (მის. ქ.თბილისი, სანაპიროს ქ.№2) ხოლო მეორე - ყოფილი თბილისის სარეგისტრაციო სამსახურის შენობაში (მის. ქ.თბილისი, დაღმაშენებლის გამზ.№89/24).

2.1.2. შესასყიდი ვიდეოსამეთვალყურეო სისტემების კომპლექტები, მათი შემადგენელი აპარატურის, მოწყობილობების, აქსესუარების, მასალების და სხვა ნივთების დასახელებები, რაოდენობები, ტექნიკური მახასიათებლები, საგარანტიო ვადები მოცემულია სატენდერო დოკუმენტაციის დანართი №1-ში.

2.2. შესასყიდი ობიექტის მიწოდების ვადა და ადგილი

2.2.1. შესყიდვის ობიექტის მიწოდება და მონტაჟი უნდა დასრულდეს ხელშეკრულების გაფორმებიდან 5 სამუშაო დღეში.

2.2.2. შესყიდვის ობიექტის მიწოდების ადგილი განისაზღვრება წინამდებარე სატენდერო დოკუმენტაციის 2.1.1. პუნქტით.

2.3. შესყიდვის ობიექტის ღირებულების გაანგარიშება:

პრეტენდენტის მიერ წარმოდგენილი სატენდერო წინადადების ფასი უნდა გაანგარიშებული იყოს სატენდერო დოკუმენტაციის დანართი №1-ით განსაზღვრული ფასთა ცხრილის ფორმაში მოცემული წესით. სატენდერო წინადადების ღირებულება უნდა ითვალისწინებდეს საქონლის მიწოდებასა და მონტაჟთან დაკავშირებულ ყველა ხარჯს და მოქმედი კანონმდებლობით პრეტენდენტისთვის დადგენილ ყველა გადასახადს. ნებისმიერი ხარჯი, რომელიც არ იქნება გათვალისწინებული სატენდერო წინადადების ღირებულებაში არ ანაზღაურდება.

2.4. ანგარიშსწორების სავალდებულო პირობები

მიმწოდებელს შესყიდვის ობიექტის ღირებულება აუნაზღაურდება შესყიდვის ობიექტის სრულად მიწოდებისა და მონტაჟის შემდეგ, მხარეთა მიერ გაფორმებული შესაბამისი მიღება-ჩაბარების აქტის საფუძველზე, შემსყიდველ ორგანიზაციაში საგადასახადი ანგარიშ-ფაქტურის წარდგენიდან 15 სამუშაო დღის ვადაში.

3. პრეტენდენტის მიერ წარმოსადგენი ტექნიკური დოკუმენტაცია

3.1. პრეტენდენტმა უნდა წარმოადგინოს შემოთავაზებული ვიდეოსამეთვალყურეო სისტემების ფასთა ცხრილი სატენდერო დოკუმენტაციის დანართი №1-ში მოცემული ფასთა ცხრილის ფორმის შესაბამისად. შემოთავაზებულ ფასთა ცხრილში უნდა მოცემული იყოს შემოთავაზებული პროდუქციის დასახელებები, მოდელები, საიდენტიფიკაციო მონაცემები, წარმოშობის ქვეყნები და მწარმოებლები, საგარანტიო ვადები და ასევე ტექნიკური მახასიათებლები სულ ცოტა იმ პარამეტრების მიხედვით რაც მოცემულია სატენდერო დოკუმენტაციაში.

3.2. პრეტენდენტის მიერ ფასთა ცხრილის ატვირთვა ავტომატურად გულისხმობს მის თანხმობას სატენდერო დოკუმენტაციით გათვალისწინებულ მიწოდების ვადაზე და ანგარიშსწორების პირობებზე.

3.3. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი მეწარმე სუბიექტის სამართლებრივ-ორგანიზაციული ფორმის, ხელმძღვანელობის უფლების მქონე პირის, სახელწოდების, იურიდიული მისამართის, საბანკო რეკვიზიტების, საიდენტიფიკაციო კოდის შესახებ. ფიზიკური პირის შემთხვევაში პირადობის მოწმობის ასლი.

3.4. სახელმწიფო შესყიდვების ერთიან ელექტრონულ სისტემაში პრეტენდენტის მიერ ატვირთული ტექნიკური დოკუმენტაციის ყველა დოკუმენტი ან/და ინფორმაცია მისი სახელით ხელმოწერილი იყოს უნდა მეწარმეთა კანონის მე-9 მუხლში განსაზღვრული ხელმძღვანელობის

უფლების მქონე პირების მიერ. თუ ხელს აწერს სხვა პირი წარმოდგენილი უნდა იყოს ამ პირის წარმომადგენლობითი უფლებამოსილების დამადასტურებელი სათანადოდ გაფორმებული დოკუმენტი.

3.4. შემსყიდველ ორგანიზაციას წარედგინება ელექტრონული გარანტიის დედანი და საფასურის გადახდის დამადასტურებელი დოკუმენტი, ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში.

- პრეტენდენტს არ აქვს უფლება წარმოადგინოს ალტერნატიული წინადადება.

დამატებითი ინფორმაცია

სატენდერო კომისია საკუთარი ინიციატივით ან ტენდერში მონაწილეობის მსურველის წერილობითი თხოვნით აზუსტებს ტენდერთან დაკავშირებულ ინფორმაციას სატენდერო წინადადებების მიღების დაწყებამდე.

ტენდერში მონაწილეობის მსურველთ ტენდერთან დაკავშირებული ინფორმაციის დაზუსტების მოთხოვნის უფლება აქვთ სატენდერო წინადადებების მიღების დაწყებამდე.

სატენდერო დოკუმენტაციასთან დაკავშირებით დამატებითი ინფორმაციის მიღება პრეტენდენტს შეუძლია სატენდერო კომისიის აპარატში, მისამართზე: ქ. თბილისი, წმინდა ნიკოლოზის/ნ. ჩხეიძის ქ.-№2 (საჯარო რეესტრის ეროვნული სააგენტო). ტელეფონი: 910517 შიდა-7058 საკონტაქტო პირი (პროცესუალურ საკითხებზე) – შესყიდვების სამსახური - თენგიზ ჯუღელი

დანართი №1

№	საქონლის დასახელება, ტექნიკური მახასიათებლები	რაოდენობა	ერთ. ფასი ლარი დღგს ჩათვლით	საერთო ფასი ლარი დღგ-ს ჩათვლით	მოდელი	წარმოშობის ქვეყანა, მწარმოებელი	გარანტია
	1	2	3	4	5	6	
1	დღე/ღამის ხედვის რეჟიმის მქონე გუმბათისებური კამერა, არანაკლებ 960H CCD ტიპის მატრიცა, არანაკლებ 700 ტვ ხაზი გარჩევადობა, არანაკლებ 2,8-12 მმ დიაპაზონის მქონე ობიექტივი, გამოსახულების დამუშავების არანაკლებ 2D NR, BLC, ATW და D-WDR ტიპის ტექნოლოგიები, ინფრაწითელი განათებით	9					არანაკლებ 1 წელი
2	გარე გამოყენების, ოპტიკური დღე/ღამის ხედვის რეჟიმის მქონე "ბულდოგ" ტიპის კამერა, არანაკლებ 960H EXview HAD CCD II ტიპის მატრიცა, არანაკლებ 700 ტვ ხაზი გარჩევადობა, 3,6მმ ფოკუსური მანძილის შესაბამისი ხედვის კუთხით, ინფრაწითელი განათების არანაკლებ 20 დიოდით, გარე მონტაჟის კორპუსის არანაკლებ IP67 სტანდარტით	2					არანაკლებ 1 წელი
3	16 არხიანი ცალკე მდგომი (სტანდარტული) ჩამწერი, რეალურ დროში არხზე 25 კადრი წამში სინქარით ჩვენება; კადრის ზომა ჩაწერისას 704X576 ჩაწერის ჯამური სინქარე ამ რეზოლუციით 400კადრი/წამში; 8000 გბ მეხსიერების მხარდაჭერა (არანაკლებ 4XSATA ინტერფეისი), 16 დუბლირებული ვიდეო გამოსასვლელი, 16 აუდიო არხი, HDMI, VGA, BNC გამოსასვლელები, H264 კომპრესია, ქსელური წვდომა ვებ ინტერფეისისა და პროგრამული უზრუნველყოფის მეშვეობით, შესაძლებელი უნდა იყოს ქსელით თექვსმეტივე კამერის ჩანაწერის ერთდროული ყურება, ჩამწერის პარამეტრების პროგრამირება, არქივიდან ვიდეო მონაკვეთების ამოღება ("avi" ფორმატში). მართვა მაუსით, ფორმალური პანელის დილაკებით ან დისტანციური მართვის პულტით	1					არანაკლებ 1 წელი
4	ვიდეომეთვალყურეობის სერიის მყარი დისკი 2tb 7200 ბრ/წთ	4					არანაკლებ 1 წელი
5	თხევადკრისტალური მონიტორი FULL HD რეზოლუციით, არანაკლებ 21"	1					არანაკლებ 1 წელი
6	ქსელური გამანაწილებელი	2					არანაკლებ 1 წელი
7	4 არხიანი პასიური ვიდეო მიმღებ/გადამცემი	4					არანაკლებ 1 წელი
8	1 არხიანი პასიური ვიდეო მიმღებ/გადამცემი	4					არანაკლებ 1 წელი
9	მეტადის საკომუნიკაციო ყუთი	2					
10	კვების ბლოკი 3ა	2					არანაკლებ 1 წელი

11	კვების ბლოკი 3ა სამუხტით, მეტალის ყუთში - გასაღებით	1					არანაკლებ 1 წელი
12	აკუმულატორი 7ა/სთ	1					არანაკლებ 1 წელი
13	"ბი ენ სი" კონექტორი	30					
14	დენის გამანაწილებელი	1					
15	არანაკლებ მე-5 კატეგორიის ეკრანირებული ქსელის კაბელი	300					
16	არანაკლებ 2X1,5 კვეტის, მრავალწვერა კაბელი	20					
17	კომბინირებული კოაქსიალური კაბელი არანაკლებ ერთი დამატებითი- არანაკლებ 0,5მმ კვეტის წვერით	300					
18	საკაბელო არხი, ზომით არანაკლებ 20x12,5მმ	40					
19	1-18 პოზიციებით გათვალისწინებული სისტემის სამონტაჟო-გასამართი სამუშაოები (მის. ქობილისი, დადმაშენებლის გამზ.№89/24)						
	ჯამი						
20	დღე/ღამის ხედვის რეჟიმის მქონე მაღალი გარჩევადობის ფერადი გუმბათოვანი კამერა, არანაკლებ EXview HAD CCD II მატრიცა, არანაკლებ 650 tv ხაზი გარჩევადობა, არანაკლებ 2,8-10,5 mm დიაპაზონის მქონე ობიექტივი ავტოდიოფრაგმით, ფერად რეჟიმში არაუმეტეს 0,08 ლუქსი და შ/თ რეჟიმში არაუმეტეს 0,03 ლუქსი განათების პირობებში მგრძნობიარობა, გამოსახულების დამუშავების არანაკლებ 2D NR, iBLC, ATW da ATR-Lite ტიპის ტექნოლოგიები, ჰერზე და კედელზე მონტაჟის საშუალება, 12v da 24v კვების ძაბვის მხარდაჭერა	1					არანაკლებ 1 წელი
21	4 არხიანი, ცალკე მდგომი ტიპის (standalone) ჩამწერი, კადრის ზომა ჩაწერისას არანაკლებ 704X576 პიქსელი, ჩაწერის ჯამური სინქარე ამ რეზოლუციით არანაკლებ 100კადრი/წამში; არანაკლებ 1 ცალი SATA, ერთი ცალი E-SATA და ორი ცალი USB ინტერფეისი, პენტაპლექსი; მოძრაობის დეტექტორი, 4 აუდიო არხი, VGA და BNC გამოსასვლელები, H264 კომპრესია, ქსელური წვდომა ვებ ინტერფეისისა და პროგრამული უზრუნველყოფის მეშვეობით, შესაძლებელი უნდა იყოს ქსელით ოთხივე კამერის ჩანაწერის ერთდროული ყურება, ჩამწერის პარამეტრების პროგრამირება, არქვიდიან ვიდეო მონაკვეთების ამოღება (avi ფორმატში). ფრონტალური მართვის პანელის გარეშე, მართვა მაუსით ან დისტანციური მართვის პულტით	1					არანაკლებ 1 წელი
22	ვიდეომეთვალყურეობის სერიის მყარი დისკი 2tb 7200 ბრ/წთ	1					არანაკლებ 1 წელი
23	აქტიური მიკროფონი	1					არანაკლებ 1 წელი
24	კვების ბლოკი 12ვ არანაკლებ 1ა	1					არანაკლებ 1

							წელი
25	"ბი ენ სი" კონკეტორი	3					
26	კომბინირებული კოაქსიალური კაბელი არანაკლებ ერთი დამატებითი, არანაკლებ 0,5მმ კვეთის წვერით	40					
27	საკაბელო არხი, ზომით არანაკლებ 20x12,5მმ	4					
28	20-27 პოზიციებით გათვალისწინებული სისტემის სამონტაჟო-გასამართი სამუშაოები (მის. ქობილისის იუსტიციის სახლი-ქობილისი, სანაპიროს ქ.№2)						
29	20-28 პოზიციების ჯამი						
30	მთლიანი ღირებულება						

სახელმწიფო შესყიდვის შესახებ ხელშეკრულების პროექტი

წინამდებარე ხელშეკრულების პროექტის დებულებები, გარდა სატენდერო დოკუმენტაციის მე-2 თავით გათვალისწინებული აუცილებელი პირობებისა, არ არის სავალდებულო. ისინი ზუსტდება გამარჯვებული პრეტენდენტის სატენდერო წინადადების საფუძველზე. გამარჯვებულ პრეტენდენტთან მოლაპარაკების შედეგად მიღწეული შეთანხმებით შეიძლება დაზუსტდეს წინამდებარე ხელშეკრულების პროექტის დებულებები ისე, რომ არ ეწინააღმდეგებოდეს სატენდერო წინადადებას და სატენდერო დოკუმენტაციის მე-2 თავში ასახულ სავალდებულო პირობებს.

ქთბილისი

წ.

იმის გათვალისწინებით, რომ ვიდეომეთვალყურეობის სისტემების შესყიდვაზე გამოცხადებულ ელექტრონულ ტენდერში გაიმარჯვა ----- სატენდერო წინადადებამ,

აღნიშული სატენდერო წინადადების საფუძველზე,

ერთის მხრივ, საჯარო რეესტრის ეროვნული სააგენტო, (შემდგომში – შემსყიდველი ორგანიზაცია), წარმოდგენილი მისი შესყიდვების სამსახურის უფროსის ლაშა მერაბიშვილის სახით და მეორეს მხრივ, „-----“ (შემდგომში - მიმწოდებელი), მისი დირექტორის ----- სახით, ვხელმძღვანელობთ რა სახელმწიფო შესყიდვების შესახებ საქართველოს კანონის და საქართველოში მოქმედი სხვა კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია საქონლის (შემდგომში – შესყიდვის ობიექტი) შესყიდვა.

1.2. შესყიდვის ობიექტს წარმოადგენს 2 ერთეული ვიდეომეთვალყურეობის სისტემის კომპლექტს და მათი მონტაჟს თბილისის იუსტიციის სახლში და ყოფილ თბილისის სარეგისტრაციო სამსახურის შენობაში.

1.3. შესასყიდი ვიდეოსამეთვალყურეო სისტემების კომპლექტები, მათი შემადგენელი აპარატურის, მოწყობილობების, მასალების და სხვა ნივთების დასახელებები, რაოდენობები, ტექნიკური მახასიათებლები მოცემულია მიმწოდებლის მიერ წარმოდგენილი ფასთა ცხრილში (დანართი №1).

2. შესყიდვის ობიექტის ღირებულება

შესყიდვის ობიექტის საერთო ღირებულება განისაზღვრება მიმწოდებლის მიერ წარმოდგენილი ფასთა ცხრილის (დანართი №1) შესაბამისად და შეადგენს ----- (-----) ლარს, საქართველოს კანონმდებლობით მიმწოდებლისთვის დადგენილი ყველა გადასახადის გათვალისწინებით, დღე-ს ჩათვლით.

3. შესყიდვის ობიექტის მიწოდების ვადები და ადგილი

3.1. შესყიდვის ობიექტის მიწოდება და მონტაჟი უნდა დასრულდეს ხელშეკრულების გაფორმებიდან 5 სამუშაო დღეში.

3.2. შესყიდვის ობიექტის მიწოდების ადგილებია თბილისის იუსტიციის სახლი (მის.ქ.თბილისი, სანაპიროს ქ.№2) და ყოფილი თბილისის სარეგისტრაციო სამსახურის შენობა (მის. ქ.თბილისი, დ.აღმაშენებლის გამზ.№89/24).

4. შესყიდვის ობიექტის მიღება-ჩაბარების წესი

4.1. მიწოდებული შესყიდვის ობიექტი ჩაითვლება მიღებულად შემსყიდველი ორგანიზაციის მიერ მისი მიღების შემდეგ, რაც გაფორმდება მხარეთა მიერ სათანადო წესით გაფორმებული შესაბამისი მიღება-ჩაბარების აქტით.

4.2. შემსყიდველ ორგანიზაციას უფლება აქვს არ მიიღოს მიმწოდებლის მიერ მიწოდებული საქონელი თუ ის ზუსტად არ შეესაბამება ხელშეკრულებით გათვალისწინებულ პირობებს.

5. ანგარიშსწორების ფორმა, ვადა და ადგილი

5.1. მიმწოდებელთან ანგარიშსწორება განხორციელდება ლარებში, „საჯარო რეესტრის შესახებ“ საქართველოს კანონის საფუძველზე მიღებული შემოსავლებით.

5.2. მიმწოდებელს აუნაზღაურდება შესყიდვის ობიექტის ღირებულება სატენდერო დოკუმენტაციის 2.4. პუნქტის შესაბამისად.

5.3. ანაზღაურების ადგილია ქ.თბილისი.

6. მხარეთა უფლება-მოვალეობანი

6.1. შემსყიდველი ორგანიზაცია და მიმწოდებელი მოქმედებენ საქართველოს კანონმდებლობის სრული დაცვით.

6.2. შემსყიდველი ორგანიზაცია ვალდებულია:

6.2.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესყიდვის ობიექტის ღირებულება;

6.3. შემსყიდველ ორგანიზაციას უფლება აქვს:

6.3.1. განხორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

6.3.2. მოსთხოვოს მიმწოდებელს მიწოდებული შესყიდვის ობიექტის შემოწმების შედეგად გამოვლენილი წუნის აღმოფხვრა.

6.4. მიმწოდებელი ვალდებულია:

6.4.1. მიაწოდოს შემსყიდველ ორგანიზაციას შესყიდვის ობიექტი ხელშეკრულებით გათვალისწინებული პირობების შესაბამისად;

6.4.2. შესაბამისი შეტყობინების შემთხვევაში დროულად აღმოფხვრას მიწოდებული შესყიდვის ობიექტის შემოწმების შედეგად გამოვლენილი წუნი შემსყიდველი ორგანიზაციის მხრიდან რაიმე დამატებითი დანახარჯების გაწევის გარეშე, წუნდებული საქონლის ან მისი ნაწილის გამოცვლის გზით;

6.4.3. შესყიდვის ობიექტის მიწოდებისას აცნობოს შემსყიდველ ორგანიზაციას ყველა განსაკუთრებული გარემოების შესახებ;

6.5. მიმწოდებელს უფლება აქვს მოსთხოვოს შემსყიდველ ორგანიზაციას შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

7. ხელშეკრულების ინსპექტირების პირობები

ხელშეკრულების შესრულებაზე ინსპექტირებას განახორციელებს შემსყიდველი ორგანიზაციის თანამშრომელი.

8. გარანტია

8.1. წინამდებარე ხელშეკრულების საფუძველზე შესყიდული პროდუქციის საგარანტიო ვადა შეადგენს შესაბამისი მიღება-ჩაბარების აქტის გაფორმების დღიდან ---- (-----) წელს.

8.2. საგარანტიო პერიოდის განმავლობაში შესყიდული პროდუქციის ექსპლუატაციისას, ექსპლუატაციის ნორმების დაცვის პირობებში, დეფექტების გამოვლენის შემთხვევაში, მიმწოდებელი ვალდებულია შეტყობინების მიღებიდან 10 დღეში განახორციელოს წუნდებული საქონლის შეცვლა შემსყიდველი ორგანიზაციის მხრიდან რაიმე დამატებითი დანახარჯის გაწევის გარეშე.

8.3. მიმწოდებლის მიერ 8.2 პუნქტში მითითებული ვალდებულების შეუსრულებლობის შემთხვევაში შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების ანაზღაურება.

9. მხარეთა პასუხისმგებლობა ხელშეკრულების პირობების დარღვევისას

9.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

9.2. თუ ხელშეკრულების ერთი მხარე ხელშეკრულებით გათვალისწინებულ ვადაში არ ასრულებს მის მიერ ნაკისრ ვალდებულებას, მეორე მხარე წერილობითი ფორმით უწესებს მას დამატებით ვადას ვალდებულების შესრულებისათვის.

9.3 ხელშეკრულების ერთი მხარის მიერ დამატებით ვადაში ვალდებულების შეუსრულებლობის შემთხვევაში, მეორე მხარეს უფლება აქვს ცალმხრივად ვადაზე შეწყვიტოს ხელშეკრულების მოქმედება.

9.4. მიმწოდებელს, მის მიერ შესყიდვის ობიექტის მიწოდების ვადის გადაცილების შემთხვევაში, დაეკისრება პირგასამტეხლო ყოველ გადაგადაცილებულ დღეზე შესაბამისი გადაგადაცილებული ვალდებულების შესრულების ღირებულების 0.3 პროცენტის ოდენობით.

9.6. შემსყიდველ ორგანიზაციას, მის მიერ ანგარიშსწორების ვადის გადაცილების შემთხვევაში, დაეკისრება პირგასამტეხლო ყოველ გადაგადაცილებულ დღეზე შესაბამისი გადაუხდელი თანხის 0.3 პროცენტის ოდენობით.

9.7. თუ შესყიდვის ობიექტის მიწოდების ვადის გადაცილებისთვის მიმწოდებელზე დაკისრებული პირგასამტეხლოს ჯამური თანხა გადაჭარბებს ხელშეკრულების საერთო ღირებულების 3 (სამი) პროცენტს, შემსყიდველ ორგანიზაციას უფლება აქვს ცალმხრივად შეწყვიტოს ხელშეკრულების მოქმედება და მოსთხოვოს მიმწოდებელს ხელშეკრულების შეწყვეტის დროისთვის დაგროვებული პირგასამტეხლოს საერთო თანხის გადახდა.

10. ფორს-მაჟორული სიტუაციები

10.1. მხარეები პასუხისმგებელნი არ არიან თავიანთ ვალდებულებათა შეუსრულებლობაზე, თუ ის გამოწვეულია ისეთი გარემოებებით, როგორიცაა: საომარი მოქმედებები, წყალდიდობა, ხანძარი, მიწისძვრა, სხვა სტიქიური მოვლენები, აგრეთვე სხვა წინასწარ გაუთვალისწინებელი, აუცდენელი, მხარეების ნებისგან დამოუკიდებელი ობიექტური გარემოებები, რომლებიც უშუალო ზემოქმედებას ახდენენ ხელშეკრულების შესრულებაზე.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ

უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

10.3. თუ ფორს-მაჟორული გარემოებების გამო სახეზეა მხარის მიერ ვალდებულების შესრულების დროებითი შეუძლებლობა, იგი უგზავნის წერილობით შეტყობინებას მეორე მხარეს ასეთი გარემოებების და ვალდებულების შესრულების დროებითი შეუძლებლობის ხანგრძლივობის შესახებ. თუ მეორე მხარე არ დათანხმდა ვალდებულების შესრულების გადადებაზე შესაბამისი ხანგრძლივობით, მხარეებს უფლება აქვთ შეწყვიტონ ხელშეკრულების მოქმედება.

11. ხელშეკრულების პირობების გადასინჯვა

11.1. ხელშეკრულების პირობების შეცვლა დაუშვებელია, თუ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ამ შემთხვევებშიც ხელშეკრულების საერთო ღირებულება შეიძლება გაიზარდოს ხელშეკრულების ღირებულების 10 პროცენტის ფარგლებში.

11.2. ხელშეკრულებაში ცვლილებების და დამატებების შეტანა შესაძლებელია მხარეთა თანხმობის შემთხვევაში. ნებისმიერი ცვლილება და დამატება, ამ მუხლის 11.1. პუნქტის გათვალისწინებით, ხელშეკრულებაში შეიძლება შეტანილ იქნეს მხოლოდ წერილობითი ფორმით გაფორმებული შეთანხმების სახით, რომელიც ჩაითვლება ხელშეკრულების განუყოფელ ნაწილად.

12. ხელშეკრულების მოქმედების ვადა

ხელშეკრულება ძალაშია 2013 წლის ----- და მოქმედებს 2013 წლის -----
-----ჩათვლით.

13. ხელშეკრულების მოქმედების შეწყვეტა

13.1. ხელშეკრულება ავტომატურად წყვეტს მოქმედებას თუ გავიდა ხელშეკრულების მოქმედების ვადა.

13.2. ხელშეკრულება შეიძლება შეწყდეს ერთი მხარის მიერ ცალმხრივად:

13.2.ა. თუ მეორე მხარე, დამატებით ვადაშიც, არ ასრულებს ან არსებითად არღვევს ხელშეკრულებით ნაკისრ ვალდებულებას.

13.2.ბ. სამოქალაქო კოდექსის 398-ე მუხლით გათვალისწინებული გარემოებების დადგომისას, როცა მეორე მხარე უარს ამბობს ხელშეკრულების მისადაგებას შეცვლილ გარემოებებთან, ან შეუძლებელია შეცვლილ გარემოებებთან ხელშეკრულების მისადაგება.

13.2.გ. თუ მის მიერ ხელშეკრულებით გათვალისწინებული ვალდებულებების შესრულება შეუძლებელია ფორს-მაჟორული გარემოებების გამო ან თუ მის მიერ ხელშეკრულებით გათვალისწინებული ვალდებულების შესრულება ფორს-მაჟორული გარემოებების გამო შეუძლებელია დროებით და მეორე მხარე უარს ამბობს ვალდებულების შესრულების ვადის გადადებაზე შესაბამისი ხანგრძლივობით.

14. დავა და მისი გადაწყვეტის წესი

14.1. წამოჭრილი დავა ან აზრთა სხვადასხვაობა შესაძლებელია გადაწყდეს ორივე მხარის ერთობლივი მოლაპარაკების საფუძველზე.

14.2. თუ შემსყიდველი ორგანიზაცია და მიმწოდებელი მოლაპარაკებების დაწყებიდან 15 (თხუთმეტი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

15. სხვა პირობები

15.1. ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16. მხარეთა იურიდიული მისამართები და რეკვიზიტები, მხარეების წარმომადგენელთა ხელმოწერები, ბეჭედი

შემსყიდველი ორგანიზაცია:

საჯარო რეესტრის ეროვნული სააგენტო

უფლებამოსილი წარმომადგენლის სახელი და გვარი: ლაშა მერაბიშვილი

მისამართი: ქ.თბილისი, წმინდა ნიკოლოზის/ნ. ჩხეიძის ქ.№2

საბანკო რეკვიზიტები: ს.ს. „საქართველოს ბანკის“ ცენტრალური ფილიალი,

ა/ა№GE46BG000000113686601, ბ/კBAGAGE22, ს/კ .№202238621

შესყიდვების სამსახურის უფროსი

ლ. მერაბიშვილი

მიმწოდებელი:

შპს „-----“

უფლებამოსილი წარმომადგენლის სახელი და გვარი:

მისამართი: საბანკო რეკვიზიტები: სს“-----“, ა/ა№-----, ბ/კ; ს/კ

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვწერე ამ აფიდავითს და წარვადგინე ეს სატენდერო წინადადება;
- * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაზღვრის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

